

**ZAPISNIK SA 48. SJEDNICE UO SAMOSTALNOG SINDIKATA RADNIKA U BHRT-u,
KOJA JE ODRŽANA U UTORAK 27.11.2018. GODINE**

Prisutni: D.Smital; Dž. Kahrlica; E. Čengić; G.Brkić; M.Grbo; N. Žuga; M.Herac; D.Miljević; E. Fočo; M. Baručija; N. Arnautović; O.Bukić; E.Agić; N.Hodžić

Odsutni: M. K. Pašalić – **opravdano** B.Hamzagić; S.Topalić - **neopravdano**

Dnevni red:

1. Zapisnik sa 47. sjednice
2. Aktuelna situacija u BHRT-u
3. Skupština
4. Pravna pomoć (V. Merdan)
5. Finansije (D. Karšić)
6. Ugovori
- Adriatic
7. Dodjela pomoći (N. Žuga, G. Brkić, M. Grbo)
8. Razno
- Nova godina (priredba, kalendari)

AD 1. D.Smital je u 12.34 sati na osnovu člana 35. Statuta Samostalnog sindikata radnika u BHRT-u, otvorio 48. sjednicu UO SSR u BHRT-u i predložio dnevni red koji je jednoglasno usvojen. Zapisnik sa 47. redovne sjednice je jednoglasno usvojen.

AD 2. D.Smital je upoznao UO da je održan sastanak sa generalnim direktorom i pomoćnicom za razvoj 19.11.2018.godine na kojem su prisustvovali D. Smital, Dž. Kahrlica i E.Čengić. Neto plata za prošli mjesec je isplaćena 10% uvećana, a do kraja mjeseca će biti uplaćeni porezi i doprinosi, tj.bruto plata i tako će se raditi i u buduće. Dug za zdravstveno je uplaćen za decembar 2017.godine. Kada je u pitanju ugovor sa EP, na današnji dan bi trebala zasjedati uprava EP na kojoj će biti razmatrano i produženje ugovora za RTV taksu. Sindikat je djelimično dobio odgovor za pravilnik i odluku koju smo dostavili menadžmentu i UO BHRT-a. UO u odgovoru koji je dostavio sindikatu tvrdi da su konsultovali sindikat što nije tačno. D.Smital je predložio da dostavimo odgovor UO BHRT-a da su oni dužni u skladu sa zakonom da konsultuju sindikat prije donošenje akta. Ovaj prijedlog je jednoglasno usvojen. Sindikat je dostavio analizu napredovanja svih sektora osin BHT-a. Tender za HTZ opremu koju je tražio sindikat je odobren od UO BHRT-a. Kada su u pitanju vozila, stigle su tri Lada nive i očekuje se u narednom period dolazak pet Opel kombi vozila. Sindikat je tražio da se obezbjede paketići za djecu i kako je istakao D.Smital menadžment je već odobrio da ta realizacija ide preko sindikata.

E.Čengić je predložio da se uputi dopis menadžmentu o kreditnom rejtingu uposlenika obzirom na teškoće odnosno nemogućnost podizanja kredita radnika BHRT-a u bankama.

E.Čengić je istakao veliki problem parkinga i predložio da se još jednom uputi dopis menadžmentu da se riješi taj problem i da se podsjeti da je sindikat već dostavio prijedlog rješenja. M.Herac je izvjestila da je i pomoćnica za razvoj upoznata sa našim prijedlogom kao i E.Heto direktor Imovine.

Oba prijedloga su jednoglasno usvojena.

O.Bukić je izvjestio da je obezbjedeno grijanje u voznom parku i još se čeka kabl za TV za dežuranu.

AD 3. D.Smital je u vezi skupštine predložio Odluku o organizacionom odboru skupštine u kojem bi bili A.Džidić, D.Smital, Dž.Kahrlica, E.Čengić, G.Brkić, N.Žuga, E.Agić, M.Herac, N.Arnautović i M.Pašalić Kurtović. Ovaj prijedlog odluke je jednoglasno usvojen.

D.Smital je predložio Odluku o moratoriju na članstvo do okončanja izborne skupštine. Ovaj prijedlog odluke je jednoglasno usvojen.

AD 4. Komisija za pravnu pomoć (Herac Mubera, Hodžić Nermin, Arnautović Nihad) je izvjestila UO Sindikata da je dana 19.11.2018 godine održan sastanak komisije na kojem je jednoglasno usvojen zaključak da nema elemenata za Pravnog zastupnika tj.advokata, ali da ima za Pravni savjet advokata o disciplinskom postupku koji se vodi protiv Merdan Vedada. Ukoliko advokat dostavi mišljenje, da je ipak potrebno prisustvo advokata na ročištu pred Disciplinskom komisijom, D. Smital će mišljenje advokata dostaviti e-mailom članovima UO i obavijeće se glasanje o prijedlogu advokata u skladu sa članom 27. Poslovnika o radu UO. Nakon kraće rasprave. Zaključak je usvojen sa 13 glasova ZA i 1 PROTIV.

U skladu sa zaključkom, D. Smital je 05.12. dostavio mišljenje advokata o pravnoj pomoći i predložio odluku o odobravanju pravne pomoći za Vedada Merdana u vidu zastupanja advokata sindikata pred Disciplinskom komisijom. Članovi UO su glasali pojedinačno u skladu sa članom 27. Poslovnika o radu UO: D. Smital ZA; S. Topalić PROTIV; DŽ. Kahrica ZA; E. Čengić PROTIV; N. Hodžić ZA; M. Pašalić Kurtović ZA; D. Miljević SUZDRŽAN; N. Arnautović SUZDRŽAN; G. Brkić ZA; E. Fočo ZA; N. Žuga ZA; O. Bukić ZA; E. Agić SUZDRŽAN; M. Baručija ZA; M. Herac; ZA; B. Hamzagić SUZDRŽAN; M. Grbo - nije glasao.

Odluka o pravnoj pomoći za Vedada Merdana je usvojena sa 10 glasova ZA, 2 PROTIV i 4 SUZDRŽANA.

AD 5. Blagajnički izvještaj za oktobar 2018. godine je primljen k znanju.

AD 6. Adriatic izvještaj za oktobar 2018 je primljen k znanju. N.Žuga je napomenuo da kada je u pitanju povrat sredstava od Adriatic osiguranja do kraja oktobra 2018.godine on iznosi 1248 KM.

AD 7. Komisija za dodjelu finansijske pomoći (G.Brkić, M.Grbo, N. Žuga) predložila je da novčanu pomoć za mjesec novembar dobiju sljedeći članovi: Jasminko Bešić 200 KM, Sandra Nagorni Marković 200 KM, Asima Čankušić 200 KM, Dženana Čato 200 KM. Ukupno: 800 KM.

Prijedlog komisije je jednoglasno usvojen.

AD 8. D.Smital je upoznao UO da je menadžment predložio da prebaci sredstva sindikatu za kupovinu paketića zbog raspisivanja tendera preko kojih se dobiju jako loši paketići. Dobili smo informaciju da je evidentirano oko 300 djece za paketiće. Jedini način kako sindikat to može realizovati je da uputi zahtjev za donaciju, nađe se pogodna firma u kojoj bi kupili paketiće i uplati se iznos po računu. Kriterije za dodjelu paketića će, obzirom na donaciju, odrediti BHRT. M. Herac je iznijela da je BHRT odredio da se paketići dijele samo djeci onih koji su u radnom odnosu. Dž.Kahrica je istakao problem ljudi saradnika članova sindikata koji neće dobiti paketiće. D.Smital je predložio da ako se utvrdi da saradnici neće dobiti paketiće za djecu, sindikat doplati paketiće za svoje članove. Ovaj prijedlog je jednoglasno usvojen. D.Smital je napomenuo da bi se trebali imenovati ljudi za samu organizaciju i realizaciju gore navedenog. D.Miljević je postavio pitanje priredbe za djecu u IT Centrima. Nakon kraće rasprave, E.Čengić je predložio da D.Miljević iz svakog IT Centra dostavi predračune iz pozorišta za priredbu za djecu naših članova. Ovaj prijedlog je jednoglasno usvojen. E.Čengić je izvjestio UO da je od Kiketa dobio ponudu 600 KM za predstavu sa Deda mrazom. Ovaj prijedlog nije dobio podršku zbog cijene koja je po mnogima velika. Usvojena je odluka o organizovanju Novogodišnje priredbe u Sarajevu, uz obezbjeđenje paketića za saradnike, članove sindikata i kupovinu karata za djecu članova Sindikata u IT-centrima i Livnu za priredbe u tim gradovima.

D.Smital je predložio da se svim članovima sindikata obezbjedi po jedan kalendar, olovka i upaljač i određeni broj fascikli za rad Sindikata. Sindikat je dobio neke predračune danas i to bi koštalo do 5 KM po članu. Ovaj prijedlog je jednoglasno usvojen.

48. sjednica je završena u 13.36. sati

Izvršni sekretar
SAMOSTALNOG SINDIKATA
RADNIKA U BHRT-u
Elvis Čengić

Predsjednik
SAMOSTALNOG SINDIKATA
RADNIKA U BHRT-u
Damir Smital